

## **Filemónman San Pablo cartacushan**

Tantiyacunanchipaj:

Pablo cay cartata isquirbiran irmänu Filemónman. Payga Colosas marcachu tiyaran. Chay marcachu Pablo willapäcuptin, Jesúspa shiminta Filemón éhasquicuran. Irmänuacunapis paypa wasillancho jutucay Tayta Diosninchita alliman éhurananchipaj. Pablupis Colosas marcaman aywar, Filemónpa wasincho pachacuran. Paywan sumaj yaçhänacuran.

Filemónman cartacur, uywaynin Onésimupaj Pablo parlapan. Onésimuga Filemónpa maquincho cawar, éhaquinta jurgush caran. Roma marcachu Pabluwan tincuran. Washäcuj Jesúspita willapaptin, éhasquicuran. Sumaj ricaptinsi, patrunninman cuticunanta munaran. Chaymi Onésimupaj parlapan. Filemóntapis piñapan Onésimupa juchanta mana yarparänanchipaj, mana ñacachinanchipaj. Manchäga alli ñawinwan ricar, irmänu-masinpana éhasquicunanta munaran.

Pablo isquirbiran:

Filemónta wamayashanpita, Washäcuj  
Jesúspan sumaj yupachicushanpita:  
*Filemón 1.1-7.*

Onésimupaj parlapushanpita: *Filemón 1.8-22.*

Filemónpaj Tayta Diosninchita  
mañacapushanpita, waquin irmänuacun  
wamayashanpita: *Filemón 1.23-25.*

*Pablo wamayashan*

1-3 Filemónllau Filemón, nuwa Pablo, irmänunchi Timoteuwan ishcani cartacamü Washäcuj Jesús-janan runacuna wíchgarcyächimaptinsi. Tayta Diosninchipa shiminta willapäcur purishimashayquipita sumaj cushicü. Wasiquíchu llapan juturaj irmänunchicunatapis, mama Apiatapis, yanapäcuj Arquiputapis wamayapamay, ari. Llapaniquita Washäcujninchi Jesúsps, Tayta Diosninchipis alli ñawinwan ricayculläshunqui. Llaquipäshushpayqui sumaj yanapayculläshunqui.

### *Tayta Diosninchita alliman churashan*

4 Jamta yarpararmi, sumaj cushicü. Chaymi waran-waran Tayta Diosninchita mañacü:

5 «Taytallau Tayta, ima allish Filemón Tayta Jesúsman sumaj yupachicun. Irmänucunatapis alli ñawinwan rican.

6 Ichanga: «Yupachicü» nirsi, alli cawananjaj sumajraj tantiyacuchun. Washäcujninchi Jesús-raycur allillata ruraycullächun» nir.

7 Irmänunchicunata sumaj llaquipashayquita musyá. Shacyächiptiqui, shungunpis achicyacäcusha. Chayta ruraj, nuwatapis shacyächimanqui. Shungüpis achicyacäcusha.

### *Onésimupaj Pablo mañacupushan*

8 Chaypis Washäcuj Jesússpa maquinchu cawar, piñacunaj camacan.

9 Ichanga llaquipashpä alli shimilläpa mañacushayqui auquin carpis, Washäcuj Jesús-janan wíchgarcyächimaptinpis.

10 Uywayniqui Onésimupaj mañacushayqui, ari. Wichgararpis, Onésimuta wawäta-yupaymi ricä shimipita Jesúsman yupachicuptin.\*

11 Ñaupata ricay ñawiquichu manacaj runash caran. Cananmi ichanga ishcaninchita sumaj yanapaycämanchi. 12 Shungü llaquiraycaptinsi, maquiquichüna cawananjaj cutiyçächimü.

13 Jesúsapa alli willapanta willapäcushäpita wichgarapti, ricamaj pishiman. Quiquiqui yanapämaya mana camäpacuptiqui, Onésimuta maquichu charayta yarpashcä.

14 Ichanga mana aunimashayquicaman charänä mana camacanmanchu. Jamurpämanquimanmi. Alli shimiquipa aunimaptiquiraj, yanapämanman.

15 Ñaupata Tayta Diosninchi camacächiptinchi, Onésimo çaquinta jurgusha. Cananmi ichanga maquiquipita mana imaypis jishpipäshunquipächu.

16 Ñaupata uywayniqui captin, maquiquichu charashcanqui. Jesúsman yupachicuptinmi ichanga, yächänacushayqui irmänuta-jina ricanquiman. Llaquipäshä-jina sumaj llaquipanquiman.

17 Chaymi shungunchi tincuycaptin, nuwata-jina Onésimutapis alli ñawiquiwan ricanquiman.

18 Imächüsi llutanta rurash captin, imatapis jaga-tucush captin, willamay. Llapanta jugari-cushaj.

19 Quiquï cartacaycämü: «Llapallanta cutichishayqui» nir. Ichanga Tayta Diosninchipa

\* 1:10 Rimayninchu: «Onésimo» ninanga: «Yanapäcuj» ninanmi.

willacuyninta yaáchachishajpita, jagä-yupay caycanqui. Chaypis mana rimapäshayquinachu.

<sup>20</sup> Manchäga irmänu, Tayta Diosninchi-raycur yanapaycallämay, ari. Washäcuj Jesús-raycur shacyaycachillämay, ari.

<sup>21</sup> Wiyacujmi canqui. Chaymi juc-ishcayllata cartacamuptisi, llapallantaáchi éharcuj aywanqui.

<sup>22</sup> Mañacärishayquita wiyar carsilpita llucshinäpaj Tayta Diosninchi camacächiptin, yapay watucushayqui. Pachächimanqui, ari.

### *Cartapa ushyanan*

<sup>23-24</sup> Purishimaj Marcospis, Aristarcupis, Demáspis, Lucaspis wamayämushunqui. Irmänunchi Epafraispis wamayämushunqui. Paytapis Washäcuj Jesús-janan carsilaraycächin.

<sup>25</sup> Chayllata cartacallämü. Taytanchi Jesucristu llaquipäshushpayqui yanapayculläshunqui, ari. Chaynuy caycullächun.

**Mushug Testamento**  
**New Testament in Quechua, Pano Huánuco**  
**(PE:qxh:Quechua, Pano Huánuco)**

copyright © 2009 Wycliffe Bible Translators, Inc.

Language: Quechua, Pano Huánuco

Translation by: Wycliffe Bible Translators, Inc.

**Copyright Information**

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Quechua, Pano Huánuco

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 18 Apr 2025 from source files  
dated 29 Jan 2022

7054d98c-7632-5339-9ee8-560fc45d86cd